



Gwasanaeth Cefnogi Cynhyrchwyr II

Antur Teifi
Parc Busnes Antur Teifi
Aberarad
Castellnewydd Emlyn
Gorllewin Cymru
Ffôn: 01239 710238
SA38 9DB
E-bost
asadler@anturteifi.org.uk

Croeso i gylchlythyr cyntaf Cymal II y Gwasanaeth Cefnogi Cynhyrchwyr. Rydym am gyhoeddi cylchlythyr chwarterol ar gyfer cynhyrchwyr bwyd a chrefftau yng Ngheredigion. Bwriadwn adeiladu ar lwyddiant Cymal I Gwasanaeth Cefnogi Cynhyrchwyr Ceredigion gan annog a chefnogi datblygiad economaidd cynaliadwy y sector cynhyrchu yng Ngheredigion - bwyd, crefftau a diwylliant lleol - a'i helpu i ganfod marchnadoedd newydd. Mae croeso i chi roi'r cylchlythyr hwn i unrhyw un a allay fod â diddordeb yn y maes. Os hoffech gael eich cynnwys ar ein rhestr bostio, cysylltwch â'r tîm yn y cyfeiriad uchod.

TYFU'CH BUSNES

Daeth nifer o fusnesau lleol sy'n gweithio yn y diwydiant croesogarwch ynghyd yng Ngholeg Ceredigion. Cafwyd seminar oedd yn tynnu sylw at bwysigrwyd ddefnyddio cynnyrch lleol. Trefnwyd yr achlysur ar y cyd â Medrwn, Menter Ansawdd Twristiaeth Ceredigion a'r Gwasanaeth Cefnogi Cynhyrchwyr.

Cafwyd arddangosfa goginio gan ddarlithwyr croesogarwch Coleg Ceredigion gan ddefnyddio bwydydd ffres gan nifer o gynhyrchwyr lleol. Yna, cafwyd cyflwyniad marchnata gan Gareth John, a sgwrs fer

am ei waith fel Prif Gogydd Gwesty Wynnstay, Machynlleth. Esboniodd sut y



llwyddodd i sicrhau cynnydd o dros 50% mewn gwerthiant bwyd dros y pum mlynedd diwethaf trwy gynnig

cynnyrch Cymreig o safon uchel ar ei fwydlen. Yn ei farn ef, Cymru yw'r 'pantri naturiol gorau yn y byd' ac anogodd aelodau'r diwydiant croesogarwch i ddefnyddio cynnyrch Cymru yn eu busnesau.

Nawr rydym yn datblygu set o weithdai i'w cyflwyno yng Ngholeg Ceredigion, gyda'r nod o ddangos y ffyrdd gorau o ddefnyddio cynnyrch lleol mewn ffordd arloesol. Os hoffech ddod, cysylltwch â ni yn y cyfeiriad uchod.



Rhifyn 1 Rhagfyr 2005

PYTIAU NEWYDDION

- Llongyfarchiadau i Gaws Teifi. Enillodd eu caws Celtic Promise y Brif Bencampwriaeth yng Ngwobrau Caws Prydain
- Mae deiet plant dan 11 yn y newyddion y dyddiau hyn. Ewch i wefan newydd Sefydliad Maetheg Prydain www.foodafactoflife.org.uk
- Yn ôl yr Athro Robert Pickard o Sefydliad Maetheg Prydain a fu'n siarad mewn cynhadledd 'Food First' yng Nghaerfyrddin, er bod byrgyrs yn cael eu cyfrif yn 'sothach', gallwch wneud byrgyrs maethlon iawn os defnyddiwch gynhwysion iawn a'u coginio mewn ffordd iachus.

CYNHYRCHWYR CEREDIGION YN PROFI LLWYDDIANT YNG NGWOBRAU'R GWIR FLAS

Mae Cynhyrchwyr Ceredigion wedi disgleirio eleni eto yng Ngwobrau'r Gwir Flas. Ymhlith y rhai a wobrwyyd mae'r Cambrian Hills Company a gafodd wobwr aur am eu Cig Hwyad Muscovy yn yr adran Gwir Flas Organig. Cafodd cwmni dŵr Tŷ Nant wobwr aur am eu dŵr TAU yn nosbarth y Gwneuthurwr Mawr ac enillodd y Penlon Cottage

Brewery wobwr aur am eu Lams Gold Light Ale yn nosbarth y Gwneuthurwr Bach.

Cafodd Trethowan's Dairy wobwr efydd yn nosbarth Cynhyrchydd y Gwir Flas am eu caws Gorwydd Caerphilly ac enillodd The Hive on the Quay wobwr efydd am eu Iogwrt Iâ Oren a Mêl.

Cafodd Cwcc Goats, W B Evans, Nantgwynfaen Organic Farm, Penlon Cottage Dairy, a Nanclyd Organics ganmoliaeth uchel hefyd yn y gwobrau.

Llongyfarchiadau mawr i'r holl gynhyrchwyr o Geredigion a gymerodd ran yn y gwobrau.



BWYD A CHREFFTAU'R NADOLIG YN LIANERCHAERON



Cynhaliwyd pedwaredd Ffair Fwyd a Chrefftau flynyddol Llanerchaeron ar 10 ac 11 Rhagfyr gan ddenu dros 3000 o ymwelwyr dros y ddau ddiwrnod. Roedd nifer o gynhyrchwyr lleol ymhlith y 60 o stondinau bwyd a chrefftau. Roedd Tolga Orchards, sy'n gwneud

Seidr, Gellygwin a Sudd Afal Cymreig, yn cynnig seidr brwd twym ac, os oeddech yn ddigon dewr (ar ddiwrnod oer o aeaf) roedd Aeron Jersey yn brysur yn gwerthu Hufen Iâ Moethus.

Caws o laeth dafad oedd ar stondin Caws Celtica ac roedd Fferm Blaencamel yn gwerthu llysiau organig tymhorol. Roedd yno nifer o gynhyrchwyr bwyd lleol eraill hefyd ynghyd â chynhyrchwyr gwahanol grefftau o Orllewin Cymru.

Cafodd yr ymwelwyr iau gyfle i wrdd â Siôn Corn

a'i weision, Super Ted, Sali Mali a Sam Tân yng Ngroto Nadolig S4C.

Mwynhawyd penwythnos llwyddiannus iawn a ddaeth i ben gydag arddangosfa gan Wyl Cobiau Aberaeron. Trefnwyd y Ffair Bwyd a Chrefftau gan yr Ymddiriedolaeth Genedlaethol gyda chymorth Gwasanaeth Cefnogi Cynhyrchwyr Ceredigion.

SIOPA NADOLIG MUNUD

Os hoffech dwrci fferm ffres, beth am roi galwad i un o'n cynhyrchwyr lleol: -

Ffoniwch 'Dafydd, Farmbox', Bow Street ar 01970 828375

Rhif ffôn Russell o RGE Gibbons, Tregaron, yw 01570 493344

Mae digon o lysiau lleol i'w cael yn eich marchnad ffermwyr lleol. Beth am brofi rhywbeth gwahanol dros y Nadolig? Beth am gig mochyn gwyllt? Ffoniwch Huw ar 0101239 810740.



Siop Fferm Llwynhelyg yn Enillydd Rhanbarth De a Gorllewin Cymru, yng Nghystadleuaeth Manwerthwr Gwledig Gorau'r DU

Llongyfarchiadau i Jenny a Teifi Davies o Siop Fferm Llwynhelyg. Cawsant eu dewis yn enillwyr rhanbarth De a Gorllewin Cymru yng Nghystadleuaeth Manwerthwr Gorau'r DU a drefnir gan y Gynghrair Cefn Gwlad mewn cydweithrediad â Phythefnos Bwyd Prydain a chylchgrawn y Farmers Weekly. Roeddent ymhlith 13 o enillwyr rhanbarthol a ddewiswyd o blith 600 o ymgeiswyr.

Dewisir enillydd y gystadleuaeth gan banel o feirniaid o fri a chyhoeddir y canlyniad tua dechrau 2006. Yn ogystal â'u llwyddiant yng Nghystadleuaeth y Manwerthwr Gwledig Gorau, meint wedi ennill gwobr y Proseswyr Bwyd gorau ar y Fferm yng Ngwobrau Busnes Ceredigion. Hefyd, roedd Jenny yn rownd derfynol cystadleuaeth yr NFU i ferched sy'n ffermio.



DYMA'R TÎM

Ymunodd Lois Gibbon ag Antur Teifi yn 2002 ar ôl astudio am radd mewn Rheoli Gwestyau ac Arlwyo' a gweithio yn y diwydiant croesogarwch yng Nghaerdydd. Treuliodd ddwy flynedd fel Rheolwr Prosiect Agri-net Works o dan y rhaglen Interreg ac erbyn hyn hi sy'n goruchwylio ail gymal prosiect y Gwasanaeth Cefnogi Cynhyrchwyr.

Os hoffech gysylltu â Lois i drafod unrhyw ddatblygiadau yn y sector bwyd a chrefftau neu i sôn am y prosiect, mae croeso i chi ei ffonio ar 01239 71023, neu e-bostio lgibbon@anturteifi.org.uk

Cefnogir Lois yn y prosiect gan Anna Sadler, Cydgysylltydd

Digwyddiadau a Marchnata a Rebecca Herbert, Gweinyddwr y Prosiect.

Bu Anna gydag Antur Teifi ers 2003 ond newydd ymuno â'r prosiect hwn y mae. Ar hyn o bryd mae wrthi'n datblygu gwefan fwyd newydd ar gyfer Ceredigion. Hoffai glywed oddi wrth unrhyw un sydd â ryseitiau sy'n defnyddio'u cynnyrch eu hunain neu gynnyrch lleol. Os oes gennych ryseitiau ar gyfer y wefan neu os hoffech gynnig syniadau ar gyfer y cylchlythyr nesaf, gallwch ffonio Anna ar 01239 710238 neu e-bostio asadler@anturteifi.org.uk.

Bu Rebecca yn gweithio i Antur Teifi ers mis Ebrill 2005 ac mae hithau newydd ymuno â'r prosiect. Os yw'ch manylion

cysylltu wedi newid neu os ydych wedi newid y math o beth rydych yn ei gynhyrchu, byddem yn ddiolchgar pe gallech roi gwybod i Rebecca dros y ffôn neu trwy e-bostio rherbert@anturteifi.org.uk. Byddai Rebecca yn falch o glywed wrth aelodau o Gynhyrchwyr Crefftau Ceredigion a hoffai gael eu cynnwys yn ein cronfa ddata neu sydd â gwybodaeth i'w chynnwys yn ein cylchlythyr nesaf ym mis Mawrth.

Dyddiadau i'w Cofio 2005/2006				
	Rhag	Ion	Chwef	Mawrch
Gwyl Bwyd a Chrefftau Aberystwyth	16			
Marchnadoedd Ffermwyr Aberystwyth		7 & 21	4 & 18	4 & 18
Marchnadoedd Ffermwyr Llamed		6 & 20	3 & 17	3, 17 & 31
Sioe Deithiol Cwrdd â'r Prynwr, Llety Parc, Aberystwyth		25 (2-7pm)		